

## Sranan - Agape Santa Buku - God's Love Letter Scriptures

Yohanes 15:9 Leki fa a P'pa lobi Mi, na so Mi ben lobi unu tu. Tan ini a lobi fu Mi!  
Yesaya 43:1,2 - Efese 2:10 Na Gado meki unu. A meki un tron wan nyun sma ini  
Kristus Yesus, fu un sa du den bun wroko san A poti langa ten klari kba gi un fu  
un du.

Yeremia 1:5 - Galasia 1:15 Ma fosi mi gebore, Gado ben poti mi aparti gi Ensrefi,  
èn ini En bun-ati A kari mi.

Yohanes 15:16 A no un ben teki Mi, ma na Mi teki unu. Mi poti unu fu un go èn fu  
un gi furu nyanyan san e tan. Dan Mi P'pa sa gi unu ala sani san un aksi En ini  
Mi nen.

3 Yohanes 1:2 Mi lobi brada, mi e begi tak' Yu de gesontu èn tak' ala sani e go  
bun nanga Yu, leki fa mi sabi tak' yelefasi a e go bun nanga Yu.

Yesaya 43:4 - 1 Petrus 2:9,10 Ma un dati na sma di Gado teki gi Ensrefi. Unu na  
den domri fu a Kownu, wan santa pipel, wan pipel di de fu Gado wawan. A teki  
unu fu ferteri fu den bigi sani fu a Wan di kari unu puru na ini a dungru, fu un  
kon na ini a ferwondru faya fu En. 10 Fosi un no ben de wan pipel, ma now un  
tron a pipel fu Gado. Fosi Gado no ben sori unu En bunifu, ma now A e sori  
unu En bunifu.

Yeremia 31:3 - Efese 1:4 Bifo A ben meki grontapu, A ben teki wi fu Ensrefi fu di  
wi de wan nanga Kristus. A du dati fu wi kan de santa èn sondro fowtu na En  
fesi.

2 Timoteus 1:9 Gado ferlusu wi èn A kari wi fu libi wan santa libi. A no den sani  
san wi du meki A du dati. Ma A ben besroiti fu du en fu sori wi En bun-ati.  
Langaten fosi A ben meki grontapu, A ben sori wi a bun-ati disi ini Kristus  
Yesus.

Yohanes 3:16 Bika Gado lobi libisma sote, tak' A gi En wan enkri Manpikin fu meki  
tak' ala sma di e bri bi ini En, no mus go lasi, ma fu den abi a libi fu têgo.

Hosea 11:8; Yesaya 49:15,16; & Yesaya 41:13,14

Lukas 12:32 "Unu na wan pikin grupu, ma no frede! Bika un P'pa feni en bun fu un  
kon ondro a tiri fu En.

Mateus 28:20 Leri den fu du ala sani di Mi ben taigi unu. Arki, Mi de nanga unu  
ala dei te na a kba fu grontapu."

Yohanes 14:1 Dan Jesus taigi den man fu En taki: "Un no abi fu sari so. Un e bri bi  
ini Gado, so un mus bri bi ini Mi tu.

Psalm 23:1 - Yohanes 10:11 Mi na a bun skapuman. A bun skapuman de klari fu  
dede gi den skapu fu en.

Psalm 23:2 - Kon na Krin 7:17 Bika a Lam di de na mindri fu a kownusturu sa  
sorgu gi den. A o tyari den go pe watra san e gi libi e lon, èn Gado sa drei ala  
den watra-ai."

Psalm 23:3,4 - Lukas 1:79 A o kon leki a son di e opo fu tyari leti kon gi den sma  
di de na dungru, di de na pasi fu go dede. Èn A o sori unu a pasi fu freide.

Psalm 23:5,6 - 2 Korinte 1:10 Gado ferlusu wi di wi ben e suku fu dede, èn A sa

tan yepi wi. Wi poti wi howpu na En tapu tak' A sa tan yepi wi moro fara. Filipi 4:7 Dan Gado o gi unu En freide di bigi moro leki san wan libisma kan prakseri. A freide disi o kibri un ati nanga ala un prakseri, fu di un de wan nanga Kristus Yesus.

Agersitori 3:24 & Psalm 4:8 - Yohanes 14:27 Freide Mi e libi gi unu. A freide fu Mi, Mi e gi unu. A no a freide di grontapu e gi. Dat' meki un no mus sari èn un no mus frede.

Psalm 33:18 - 1 Petrus 3:12 Bika Masra ai de tapu den sma di bun ini En ai, èn En yesi e yere den begi fu den. Ma Masra e drai En fesi gi den sma di e du ogri.

Roma 5:2 San Yesus du meki tak' Gado sori wi En bun-ati fu di wi bri bi. A bun-ati disi e meki wi tnapu tranga, èn wi e meki bigi fu di wi abi a howpu tak' Gado o meki wi teki prati ini En glori.

Yesaya 55:12 - Lukas 19:40 Ma A piki den taki: "Fu tru Mi e taigi unu: Efu den sma disi hori den mofo, den ston o bari a srefi sani."

Yohanes 16:22 Na so a de nanga unu tu. Nownow un e sari. Ma Mi o si un baka. Dan un o breiti, èn no wan sma o man pori a prisiri fu unu.

Lukas 12:9 Ma a sma di e taigi trawan tak' a no sabi Mi, a Manpikin fu Libisma o taki na fesi den engel fu Gado tu tak' A no sabi en.

Mateus 10:30 Gado sabi srefi omeni wiwiri yu abi na tapu yu ede.

Yesaya 54:10 - Mateus 24:35 Wan dei heimel nanga grontapu no o de moro, ma den sani san Mi taki o tan fu têgo."

Mateus 11:28-30 Yesus taigi den sma moro fara taki: "Un kon na Mi, un di weri fu tyari un hebi lai. Na Mi un sa feni rostu. 29 Kon meki Mi tiri unu èn un teki leri fu Mi. Bika Mi abi safri nanga sakafasi maniri. Na Mi un sa feni rostu fu un sili. 30 Bika Mi no o tiri unu nanga tranga, èn den sani di Mi o aksi fu unu, no hebi."

Salomo 2:10 & Hosea 2:14,19,20

2 Korinte 11:2 Bika mi e dyarusu gi unu na a fasi fa Gado srefi e dyarusu. Mi pramisi unu leki wan uma di noiti no sribi nanga wan man ete, fu trow unu nanga wan man nomo, dati na Kristus.

Exodus 3:14 - Hebrewsma 13:8 Yesus Kristus na a srefi esde, tide èn fu têgo.

Hosea 13:4 - Boskopuman 4:12 Na En wawan kan ferlusu unu. Bika Gado no gi den sma na grontapu no wan tra nen di sa meki tak' Gado ferlusu den."

Yohanes 15:14 Unu na Mi mati, efu un e du san Mi e komanderi unu.

Yohanes 14:6 Yesus piki taki: "Mi na a pasi, na Mi e sori san na tru, èn na Mi e gi libi. Sondro Mi no wan sma kan kon na a P'pa.

Kon na Krin 3:20 Luku, Mi tnapu e naki na tapu a doro. Efu wan sma yere èn a opo a doro, Mi sa kon inisei, dan Mi nanga en sa nyan makandra.